


15-4-20
1603/26

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
MINISTARSTVO ZA GRAĐENJE, PROSTORNO
UREĐENJE I ZAŠTITU OKOLIŠA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
MINISTRY OF CONSTRUCTION, SPATIAL PLANNING
AND PROTECTION OF ENVIRONMENT

**PRAVILNIK O IZMJENAMA I DOPUNAMA PRAVILNIKA
O PLAĆAMA I DRUGIM MATERIJALNIM PRAVIMA DRŽAVNIH
SLUŽBENIKA I NAMJEŠTENIKA MINISTARSTVA ZA GRAĐENJE,
PROSTORNO UREĐENJE I ZAŠTITU OKOLIŠA**

Bihać, april 2026. godine

Na osnovu člana 56., 66. stav 2. i 67. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj: 35/05), člana 42. Zakona o plaćama i naknadama u organima vlasti Unsko-sanskog kantona („Službeni glasnik Unsko-sanskog kantona“ broj: 11/15, 24/18, 14/24, 19/25 i 26/25), a u vezi sa članom 48. Zakona o državnoj službi u Unsko-sanskom kantonu („Službeni glasnik Unsko-sanskog kantona“ broj: 14/17, 15/20 i 27/25), uz pribavljeno Mišljenje Ministarstva finansija i Sindikalne organizacije kantonalnih organa državne službe Unsko-sanskog kantona, ministar Ministarstva za građenje, prostorno uređenje i zaštitu okoliša, d o n o s i :

**PRAVILNIK O IZMJENAMA I DOPUNAMA PRAVILNIKA
O PLAĆAMA I DRUGIM MATERIJALNIM PRAVIMA DRŽAVNIH
SLUŽBENIKA I NAMJEŠTENIKA MINISTARSTVA ZA GRAĐENJE,
PROSTORNO UREĐENJE I ZAŠTITU OKOLIŠA**

Član 1.

U Pravilniku o plaćama i drugim materijalnim pravima državnih službenika i namještenika Ministarstva za građenje, prostorno uređenje i zaštitu okoliša, broj: 11-11-91381-1/24 od 18.7.2024. godine (u daljem tekstu: Pravilnik), u članu 5. u tabeli pod rednim brojem 5. platni razred X dodaju se nove tačke b) i c) koje glase:

„b) Stručni saradnik za poslove prostornog uređenja

c) Stručni saradnik za pravne poslove“

Član 2.

Član 18. mijenja se i glasi:

„(1) Državnom službeniku/namješteniku čije je mjesto rada udaljeno najmanje 5 kilometara, u jednom smjeru od mjesta prebivališta, pripada pravo na mjesečnu naknadu troškova prijevoza na posao i prijevoza s posla, pod uslovom da dnevno putuje na relaciji mjesto prebivališta - mjesto rada.

(2) Obračun troškova prijevoza vršit će se temeljem iznosa dnevne naknade, navedene u Tabeli - Skalarniku sačinjenom od strane Ministarstva privrede za odgovarajuću udaljenost pomnožene s brojem dana provedenih na radnom mjestu.

(3) Mjesečna visina naknade troškova prijevoza na posao i prijevoza s posla koja se isplaćuje zaposlenom ne može biti veća od 350,00 KM.

- (4) Način za ostvarivanje prava na naknadu troškova prijevoza na posao i prijevoza propisuje se Odlukom o visini i načinu ostvarivanja prava na naknadu za prijevoza na posao i prijevoza s posla koju donosi Vlada Unsko-sanskog kantona.“

Član 3.

Član 24. mijenja se i glasi:

Član 24.

„(1) Za komisije i radna tijela koja se formiraju na osnovu rješenja ministra može se, ukoliko u budžetu postoje osigurana sredstva utvrditi pravo na naknadu, u kom slučaju je potrebno zatražiti saglasnost Vlade.

(2) Naknada predsjedniku, članovima komisije i sekretaru komisije može iznositi:

- a) Za stalne komisije maksimalno neto 300,00 KM mjesečno,
- b) Povremene komisije maksimalno neto 350,00 KM po izvršenju poslova i zadatka za koje su obrazovane,
- c) Za radna tijela maksimalno neto 200,00 KM,

(3) Tačnu visinu naknade, a u okviru ograničenja iz stava (2) ovog člana, za rad u svakoj pojedinačnoj komisiji rješenjem utvrđuje ministar.

(4) Naknade za rad u komisijama koje se finansiraju od uplata fizičkih ili pravnih osoba ne ulaze u ograničenja iz stava (2) ovog člana.

Komisije iz stava (1) ovog člana rade izvan radnog vremena organa državne službe, a samo izuzetno, ako to zahtjeva priroda ili hitnost obavljanja zadataka zbog kojeg je komisija osnovana, mogu raditi i u toku radnog vremena, s tim da se to ne odražava negativno na obavljanje redovnih poslova državnog službenika -člana komisije.

(5) Obavljanje poslova i zadataka u komisiji za koje je utvrđena naknada isključuje pravo na prekovremeni rad.

(6) Državni službenik, odnosno namještenik, koji po nalogu ministra, u izuzetnim ili hitnim slučajevima, obavlja poslove odsutnog državnog službenika, odnosno namještenika ima pravo na naknadu u visini 20% od osnovne plaće radnog mjesta čije poslove privremeno obavlja.

(7) Obavljanje poslova odsutnog državnog službenika, odnosno namještenika, konkretnog radnog mjesta u toku godine ne može trajati duže od tri mjeseca.

(8) Naknada za obavljanje poslova odsutnog državnog službenika, odnosno namještenika, obračunava se i isplaćuje samo za radne dane vršenja poslova. Naknada se neće obračunavati i isplaćivati za vrijeme odsutnosti s posla po osnovu bolovanja ili godišnjeg odmora.

(9) Odsustvom u smislu stava (7) ovog člana smatraju se sva odsustva sa posla izuzev odsustva zbog korištenja godišnjeg odmora i službenih putovanja.

(10) Državnom službeniku kojeg ministar ovlasti da umjesto njega u vrijeme njegove

odsutnosti, koja traje u kontinutetu najmanje pet radnih dana, donosi pojedinačne akte za određena pitanja iz nadležnosti organa, pripada pravo na naknadu za taj rad u visini 20% plaće ministra, a obračun će se vršiti za radne dane vršenja ovlaštenja.“

Član 4.

U članu 25. iza stava (1) dodaje se novi stav (2) koji glasi :

„(2) Osnov za isplatu nagrade iz stava (1) je rješenje o ocjenjivanju državnog službenika odnosno namještenika za period za koji je vršeno zadnje ocjenjivanje u organu.“

Član 5.

(Stupanje na snagu)

Ovaj Pravilnik stupa na snagu danom donošenja.

Broj:

1-02-9138-2/24

Bihać, 14-04-2026



MINISTAR

Edvin Odobašić, MA dipl. ing.arh.